

全上古三代秦漢三國六朝文

全晉文卷十三

烏程嚴可均校輯

左九嬪

九嬪名芬齊國臨菑人祕書郎左思妹泰始八年拜修儀後爲貴嬪有集四卷

離思賦

生蓬戶之側陋兮不開習於文符不見圖畫之妙像兮不聞先哲之典謨既愚陋而寡識兮謬忝側於紫廬非草苗之所處兮恆怵惕曰憂懼懷思慕之忉忉兮兼始終之萬慮嗟隱憂之枕積兮獨鬱結而靡訴意慘憤而無聊兮思纏絲曰增慕夜耿耿而不寐兮魂憧憧而至曙風騷騷而四起兮霜皚皚而依庭日曖曖而無光兮氣慄慄曰冽清懷愁戚之多感兮患涕淚之自零昔伯瑜之婉孌兮每綵衣曰娛親悼今日之乖隔兮奄與家爲參辰豈相去之

云遠兮曾不盈乎數尋何宮禁之清切兮欲瞻觀而莫因仰行雲
目獻歔兮涕流射而沾巾惟屈原之哀感兮嗟悲傷於離別彼城
闕之作詩兮亦日月而喻月況骨肉之相於兮永緬邈而兩絕長
含哀而抱憾兮仰蒼天而泣血

亂曰骨肉至親化爲他人永長辭兮慘愴愁悲夢想魂歸見所思
兮驚寤號咷心不自聊泣漣漣兮援筆舒情涕淚增零訴斯詩兮

晉書左
貴嬪傳

相風賦御覽一百四十五
引左貴嬪集目錄

孔雀賦

戴綠碧之秀毛擢翠尾之修莖飲芳桂之凝露食秋菊之落英耀

丹紫之煥煥應晨風已悲鳴藝文類聚
九十一

鸚鵡賦

色則丹喙翠尾綠翼紫頸秋敷其色春耀其榮藝文類聚
九十一

白鳩賦序

泰始八年鳩巢於廟闕而孕白鳩一隻毛色甚鮮金行之應也

九百二十一

松柏賦

何奇樹之英蔚記峻岳之嵯峨被玄澗之逶迤臨淥水之素波擢脩本之九丸萃綠葉之芬葩敷纖莖之龍莖布秀葉之慈青列疏實之離離馥幽藹而永馨紛翕習曰披離氣肅肅曰清冷應長風曰鳴條似絲竹之遺聲稟天然之貞勁經嚴冬而不零雖凝霜而挺幹近青春而秀榮若君子之順時又似乎眞人之抗貞赤松遊其下而得道文賓淦其實而長生詩人歌其榮蔚齊南山曰永靈

藝文類聚卷八十八
初學記二十八

洛澗賦

覽庶類之肇化何洛澗之獨靈稟陰精曰運景因落雨而結形不

係根於獨立故假物以資生體珠光之皎皎若凝霜之初成色鮮
熠目熒熒似融露之將停亡不長消存不久寄其成不欲難其敗
亦曰易也

魏文類
聚八

武帝納皇后頌

咸寧二年案魏文類聚十五文選注
城賦注宣貴妃詠注引此題皆如此

峨峨華嶽峻極泰清巨靈導流河濱是經惟瀆之神惟嶽之靈鍾
於楊族載育盛明穆穆我后應期挺生含聰履詰岐嶷夙成如蘭
之茂如玉之瑩越在幼沖休有令名飛聲八極翕習紫庭超姪邈
俎比德皇英京室是嘉備禮致聘令月吉辰百僚奉迎周生歸韓
詩人是詠我后戾至車服暉暎登位太微明德日盛羣黎欣戴函
夏同慶翼翼聖皇敬詰孔純愍茲狂戾開惠播仁蠲蒙滌穢與時
惟新沛然洪敷恩詔遐震后之踐祚罔固虛陳萬國齊歡六合同
欣坤神抃舞天人載悅興瑞降祥表精日月和氣烟燭三光朗烈
既獲嘉時尋播甘露玄雲掩藹靈液霏霏既儲既積待陽而晞

現沾濡柔潤中畿長亨豐年福祿永綏

晉書左貴嬪傳
載六類聚十五

楊皇后登祚頌

御覽一百四十五
引左貴嬪集目錄

德柔頌

邈邈德柔越天之剛神旨知來智旨藏往含純溥生允矣君子展
也大成執德純粹岳峻川停履行高厲蕩乎其平敦興聖道率正
不傾令問不已載路厥聲

藝文類聚
二十一

芍藥花頌

御覽一百四十五
引左貴嬪集目錄

鬱金頌

伊此奇草名曰鬱金越自殊域厥珍來尋芬香酷烈悅目欣心明
德惟馨淑人是欽窈窕妃媛服之稱衿永重名寶曠世弗沈

藝文
類聚

八十

菊花頌

英英麗質稟氣靈和春茂翠葉秋耀金華

初學記二十七
案藝文類聚八十一已爲傳

統妻辛氏作

未知孰是

神武頌御覽一百四十五
引左貴嬪集目錄

虞舜二妃贊

妙矣二妃體應靈符奉嬪于媯光此有虔沈湘示教靈德永敷惟

斯美善諒無泯乎

藝文類聚十五
初學記十

周宣王姜后贊

昭昭宣王克復前制疊疊姜后乃激乃厲執心至公已恢明世

藝文類聚十五

班婕妤贊

班婕妤贊

恂恂班女恭讓謙虛辭螽進賢辨視理誣形圖丹青名侔樊虞

孟軻母贊

鄒母善導三從成教鄰止庠序俎豆是効斷織激子廣曰墳與聰

達知禮淑述聖道

狂接輿妻贊

接輿高潔懷道行諸妻亦冰清同味玄昭遺俗榮津志遠神遼

荆武王夫人鄧曼贊

天道惡盈極數則微邈哉鄧曼心暎禍幾覩兆歎亡考德知衰賢
智卓殊邈哉難追

齊杞梁妻贊

遭命不改逢時險屯夫卒菑場郊弔不賓長朋高城訴情穹旻遂
赴淄川託軀清津

齊義繼母贊

聖教玄化禮貴信誠至哉繼母行合典經不遺宿諾義割私情表
德來裔垂則後生

魯敬姜贊

邈矣敬姜含德之英於行則高於理斯明垂訓子宗鴈發奇聲宣

尼三歎萬代遺聲

已上疏藝文類聚十八

德剛贊

溫溫德剛實秉道純履此聖義體此敦仁篤物博好靡疏靡親九族懷附邦邑望塵貴實賤華尚素安貧雖在崇高必若平民匪道之崇譬之生民褒飾之譽謂之謗身惟義是存惟道是遵

藝文類聚二十一

巢父惠妃贊

泱泱長流沔沔清波思文巢惠載詠載歌垂綸一壑萬象匪多神乎賜矣緬同基阿

藝文類聚三十六

納楊后贊

清和協極二儀降靈啟茲楊族仁哲誕生徽音內發有馥其馨玄符表運作合聖明文定厥祥考卜惟貞良辰納幣三光清明元公執摯嘉禮告成卿士庶僚爛其充庭赫赫華宗奕世載榮謙光其

專在禍戒盈受茲介福重祚益齡

統文類聚十六

元皇后誄

井上表

伏惟聖善宣慈仁洽六宮含弘光大德潤四海妾聞之前志卑不誄尊少不誄長楊雄臣也而誄漢后班固子也而誄其父皆曰述揚景仁顯之竹帛豈所謂三代不同禮隨時而作者乎

統文類聚十五

惟秦始十年秋七月丙寅晉元皇后楊氏崩嗚呼哀哉昔有莘適殷姜妣歸周宣德中闡徽音永流樊衛二姬匡齊翼楚馬鄧兩妃亦毗漢主峨峨元后光嬪晉宇伉儷聖皇比蹤往古遭命不永背陽卽陰六宮號咷四海慟心嗟余鄙妾銜恩特深追慕三良甘心自沈何用存思不忘德音何用紀述託辭翰林乃作誄曰

赫赫元后出自有楊奕世朱輪耀彼華陽惟嶽降神顯茲禎祚篤生英媛休有烈光含靈握文異于庶姜和暘春日操厲秋霜疾彼倂遂敦此義方率由四教匪怠

統文類聚作容德

匪荒行周六親徽音顯

揚顯揚伊何京室是臧乃甥乃納聿嬪聖皇正位閨闈惟德是將
鳴珮有節發言有章仰觀列圖俯覽篇籍顧問女史咨詢竹帛思
媚皇姑虔恭朝夕允釐中饋執事有恪于禮斯勞于敬斯勤雖曰
齊聖邁德日新日新伊何克廣弘仁終溫且惠帝妹是親經緯六
宮罔不彌綸羣妾惟仰譬彼北辰亦既青陽鳴鳩告時躬執桑曲
率導媵姬脩成蠶族分繭理絲女工是察祭服是治祇奉宗廟永
言孝思于彼六行靡不蹈之皇英佐舜塗山翼禹惟衛惟樊二霸
是輔明明我后異世同軌亦能有亂謀及天府內敷陰教外毗陽
化綢繆庶正密勿夙夜恩從風翔澤隨雨播中外禔福遐邇詠歌
天祥貞吉克昌克繁則百斯慶有聖育賢教踰姪姒訓邁姜嫄堂
堂太子惟國之元濟濟南陽爲屏爲藩本支韃謫四海蔭焉徽斯
皇妣孰茲克臻曰乾蓋聰曰聖允誠積善之堂五福所并宜享高
年匪隕匪傾如彭之齒如聃之齡云胡不造于茲禍殃寢疾彌留

寤寐不康。巫咸騁術。扁鵲奏方。所疇無應。嘗藥無良。形神既離。載
昏載荒。奄忽崩殂。煙精滅光。哀哀太子。南陽繁昌。攀援不寐。辭踊
摧傷。嗚呼哀哉。閔宮號咷。宇內震驚。奔者填衢。赴者塞庭。哀慟雷
駭。流涕雨零。歔歔不已。苦喪所生。惟帝與后。契闊在昔。比翼白屋。
雙飛紫閣。悼后傷後。早卽窆窆。言斯既及。涕泗隕落。追維我后。實
聰實哲。通于性命。達于儉節。送終之禮。比素上世。礎無珍寶。含無
明月。潛輝梓宮。永背昭晰。臣妾哀號。同此斷絕。庭宇遐密。幽室增
陰。空設帷帳。虛置衣衾。人亦有言。神道難尋。悠悠精爽。豈浮豈沈。
豐奠日陳。冀魂之臨。孰云元后。不聞其音。乃議景行。景行已溢。乃
考龜策。龜策襲吉。爰定宅兆。克成玄室。魂之往矣。于日令日。仲秋
之晨。啟明始出。星陳夙駕。靈輿結駟。其輿伊何。金根玉箱。其駟伊
何。二駟雙黃。習習容車。朱服丹章。隱隱輜軒。弁綬總裳。華轂曜野。
素蓋被原。方相伉伉。旌旒翩翩。輓童引歌。白驥鳴轅。觀者夾塗。士

女涕漣千乘萬騎。迄彼峻山。峻山峨峨。層阜重阿。弘高顯敞。據洛
背河。左瞻皇姑。右睇帝家。惟存揆亡。明神所嘉。諸姑姊妹。娣姒膝
御。追送塵軌。號咷衢路。王侯卿士。雲會星布。羣官庶僚。縞蓋無數。
杳嗟通夜。東方云曙。百祇奉迎。我后安厝。中外俱臨。同哀並慕。涕
如連雲。淚如湛露。局閭既闔。窈窕冥冥。有夜無晝。曷用其明。不封
不樹。山坂同形。昔后之崩。大火西流。寒往暑過。今亦孟秋。自我銜
恤。愴忽一周。衣服將變。痛心若抽。逼彼禮制。惟日增憂。去此素衣。
結戀靈丘。有始有終。天地之經。自非三光。說文類聚作昧誰能不零。存播
令德。沒圖丹青。先哲之志。曰此爲榮。溫溫元后。實宣慈焉。撫育羣
生。恩惠滋焉。遺愛不已。永見思焉。懸名日月。垂萬春焉。嗚呼庶安。
感四時焉。言思言慕。涕漣洟焉。晉書左貴傳

萬年公主誄

昔滿衣早朝。周晉夙成。歲昌岐嶷。名存典經。猗歟公主。在幼剋哲。

方德比齒有邈先烈何德之盛而年或闕何華之繁而實不結雨
墜風逝彤影長滅赫赫京室河洛所經陰精發曜降茲淑靈篤生
公主誕膺休楨秀出紫微日暉月明旣睇豔姿徽音孔昭盼蒨其
嬈婉曼其嫄寵玩軒陛如瓊如瑤雖則弱齒雙德兼苞五福所集
聞之先民積善鍾慶祐德輔仁宜終淑美光暉日新云何降戾景
命不振睚睚榮曜芳蕤始芳何辜於天猥遇降霜煢煢稚魂飄飄
遐翔於戲何辜痛茲不福生而何晚歿而何速酷矣皇靈謬哉司
祿嗚呼哀哉日月載馳白露凝結自主薨徂奄離時節吉凶乖邈
存亡異制將遷幽都潛神永翳嗚呼公主魂豈是綏岌岌靈輜駿
駟駢驅挽僮齊唱悲音激摧士女歔歔高風增哀一日不見采蕭
作歌況我公主形滅體訛精靈遷逝幽此中阿言思言念涕淚滂
沱嗚呼哀哉

魏文類聚十六
又初學記

目錄

左貴嬪集有離思賦相風賦孔雀賦松柏賦涪瀾賦納皇后頌楊
皇后登祚頌芍藥花頌鬱金頌菊花頌神武頌四言詩四首武元
皇后誄萬年公主誄御覽一百四十五

惠廢賈皇后

后名南風小名時平陽人太宰賈充女秦始皇八年冊拜爲太子
妃惠帝卽位立爲皇后永康元年爲趙王倫所廢矯詔賜死在
位十一年

矯詔授楚王瑋

元康元年六月

太宰太保欲爲伊霍之事王宜宣詔令淮南長沙成都王屯宮諸

門廢二公

晉書楚王瑋傳賈后使惠帝爲詔夜使黃門齎已授瑋

太宰汝南王亮

太保衛瓘後之瑋坐矯制斬首虜之立嗣賈后

先惡瑋亮又忌瑋故曰相安誅之

案瑋傳以此詔賈后逼帝

乞曰王禮葬愍懷太子表

適不幸喪亡傷其迷情又早短折悲痛之懷不能自己妾私心冀其刻肌刻骨更思孝道現爲稽顙正其名號此志不遂重自酸恨適雖罪在莫大猶王哲子孫使臣匹庶送終情實憐愍特乞天恩賜臣王禮妾誠闇淺不識禮義不勝至情冒昧陳聞

晉書愍懷太子傳

明穆庾皇后

后諱文君潁川鄆陵人丞相軍諮祭酒庾琛女明帝太寧元年立爲皇后成帝卽位尊爲皇太后臨朝攝政蘇峻陷京師爲所逼辱臣憂崩在位六年

天子拜敬保傳詔

尊師重道帝王之所宜務況童幼方賴師訓之成宜令一遵先帝崇賢之禮

通典六十七

報卞壺詔

帝須成人更詳師傳之禮

通典六十七

康獻褚皇后

后諱蒜子河南陽翟人征北將軍褚裒女康帝爲琅邪王納爲妃及卽位立爲皇后穆帝卽位尊爲皇太后臨朝稱制升平元年歸政居崇德宮及哀廢二帝時復臨朝稱制簡文卽位尊爲崇德皇太后孝武卽位復臨朝稱制太元元年歸政至九年崩在位四十年

荅蔡謨等奏請臨朝詔

建元二年九月

帝幼冲當賴羣公卿士將順匡救已酬先帝禮賢之意且是舊德世濟之美則莫重之命不墜祖宗之基有奉是其所已欲正位于内而已所奏懇到形于翰墨執省未究已悲已懼先后允恭謙抑思順坤道所已不距羣情固爲國計豈敢執守冲闇已違先旨輒敬從所奏

晉書康獻
褚后傳

振卹詔

永和元年九月

今百姓勞弊其共思詳所曰振卹之宜及歲常調非軍國所急者

竝宜停之

晉書穆帝紀

免蔡謨爲庶人

詔永和六年十二月

謨先帝師傅服事累世且歸罪有司內訟思愆若遂置之於理情

所未忍可依舊制免爲庶人

晉書蔡謨傳

答殷融等重議敬父詔

永和九年

典禮誠所未詳如所奏是情所不能安也更詳之

晉書康獻褚后傳通典六十七

答何充詔

具所啟舊典誠無曰相易然此實所悚懼不宣者也

通典六十七

曰蔡謨爲光祿大夫詔

永和十年

前司徒謨曰道素著稱軌行成名故歷事先朝致位台輔曰往年

之失用致黜責白爾曰來闔門思愆誠合大臣罪己之義曰謨爲

光祿大夫開府儀同三司

晉書蔡謨傳

歸政詔

升平元年正月

昔遭不造帝在幼沖皇緒之微眇若贅旒百辟卿士率遵前朝勸喻攝政呂社稷之重先代成義飽俛敬從弗違固守仰憑七廟之靈俯仗羣后之力帝加元服禮成德備當陽親覽臨御萬國今歸事反政一依舊典

晉書康獻褚后傳

歸崇德宮手詔羣公

昔呂皇帝幼沖從羣后之議既呂闇弱又頻丁極艱銜恤歷祀沈憂在疚司徒親尊德重訓救其弊王室之不壞實公是憑帝既備茲冠禮而四海未一五胡叛逆豺狼當路費役日興百姓困苦願諸君子思量遠算戮力一心輔翼幼主匡救不逮未亡人永歸別宮呂終餘恤仰惟家國故曰一言託懷

晉書康獻褚后傳

呂琅邪王奕承大統詔

興寧三年二月

帝遂不救厥疾艱禍仍臻遺緒泯然哀慟切心琅邪王奕明德茂

親屬當儲嗣宜奉祖宗纂承大統便速正大禮已監人神

晉書廢帝紀

旨會稽王昱承大統詔

太和六年十一月

丞相錄尚書會稽王體自中宗明德勅令英秀玄虛神棲事外已具瞻允塞故阿衡三世道化宣流人望攸歸爲日已久宜從天人之心旨統皇極主者明依舊典旨時施行

晉書簡文帝紀

荅羣臣奏請臨朝詔

咸安二年七月

王室不幸仍有艱屯覽省啟事感增悲歎內外諸君竝旨主上春秋冲富加蒸蒸之慕未能親覽號令宜有所出苟可安社稷伺天下亦豈有所執輒敬從所啟但闇昧之闕望盡弼諧之道

晉書康帝傳

拯卹詔

監康二年四月

頃玄象或愆上天表異仰觀斯變震懼于懷夫因變致休自古之道朕敢不勉意復心旨思厥中又三吳輿壤股肱望郡而水旱併

孫百姓失業夙夜惟憂不能忘懷宜時拯卹救其彫困三吳義興
晉陵及會稽遭水之縣尤甚者全除一年租布其次聽除半年受

振貸者卽已賜之

晉書孝武帝紀

賜米窮民詔

宣康三年十二月

頃日蝕告變水旱不適雖克已思救未盡其方其賜百姓窮者米

人五斛

晉書孝武帝紀

歸政詔

太元元年正月

皇帝婚冠禮備遐邇宅心宜當陽親覽緝熙惟始今歸政事率由

舊典

晉書康獻裕后傳

收手法開令

升平五年五月

帝小不佳昨呼于公視脈但到門不前種種辭憚宜收付廷尉

高僧傳

四

呂琅鄂王丕奉大統令

升平五年五月

帝奄不救疾、崩嗣未建、琅邪王丕中興、正統明德、懋親昔在咸康、屬當儲貳、片羊在幼沖、未堪國難、故顯宗高讓、今義望情地、莫與爲比、其呂王奉大統、晉書哀帝紀

呂廢帝奕爲東海王令

太和六年十一月

王室艱難、穆哀短祚、國嗣不育、儲宮靡立、琅邪王奕、親則母弟、故呂入纂大位、不圖德之不建、乃至於斯、昏濁潰亂、動違禮度、有此三弊、莫知誰子、人倫道喪、醜聲遐布、既不可呂奉守社稷、敬承宗廟、且昏孽竝大、便欲建樹儲藩、誣罔祖宗、傾移皇基、是而可忍、孰不可懷、今廢奕爲東海王、呂王還第、供衛之義、皆如漢朝昌邑故事、但未亡人不幸罹此百憂、感念存歿、心焉如割、社稷大計、義不獲已、臨紙悲塞、如何可言、晉書廢帝紀

穆章何皇后

后諱法倪、廬江潁人、散騎侍郎何準女、穆帝升平元年立爲皇

后無子。哀帝卽位。居永安宮。及桓玄篡位。降爲零陵縣君。與安
帝俱西。玄敗。復還京師。元興三年崩。在位四十八年。

下令減膳

元興三年

戎車屢警。黎元阻饑。而膳御豐靡。豈與百姓同其儉約。減損供給。
勿令游過。晉書穆帝何后傳

賜進士出身。二品銜廣東等處提刑按察使司按察使兼管驛傳事務萬岡王毓藻校刊

全晉文卷十四

烏程嚴可均校輯

安平王孚

孚字叔達，宣帝弟。建安中，選爲平原侯，植文學掾。遷太子中庶子，魏受禪，轉中書郎，遷給事黃門侍郎，加騎都尉，出爲河內典農中郎將，賜爵關內侯，轉清河太守。明帝卽位，遷度支尚書。齊王時，除尚書右僕射，進爵昌平亭侯。遷尚書令，進爵長社縣侯，加侍中，遷司空，代王淩爲太尉。高貴鄉公時，轉太傅。陳留王時，封長樂公。武帝受禪，封安平王，進拜太宰，持節都督中外諸軍事。泰始八年薨，年九十三，諡曰獻王。

請造沁口石門表

魏黃初中

野王典農中郎將臣孚言：臣被明詔，興河內水利。臣旣到，檢行沁水源，出銅鞮山，屈曲周迴，水道九百里，自太行曰西，王屋曰東，層

巖高峻天時霖雨眾谷走水小石漂迸水門朽敗稻田汎溢歲功不成臣輒案行去堰五里目外方石可得數萬餘枚臣目爲累方石爲門若天陽旱增堰進水若天霖雨陂澤充溢則塞防斷水空渠衍漑足目成河雲雨由人經國之謀暫勞永逸聖王所許願陛下特出臣表敕大司農府給人工勿使稽延呂贊時要臣孚言

水經篇注

奏弔陳羣母

魏太和中

尋故事自魏興無三公喪母弔祭輒訪韋誕王肅高堂隆秦靜等云漢太傅胡廣喪母天子使謁者呂中弔祭送葬

通典八十三

奏永寧宮

魏嘉平六年九月

守尚書令太尉長社侯臣孚大將軍武陽侯臣師司徒萬歲亭侯臣柔司空文陽亭侯臣冲行征西安東將軍新城侯臣昭光祿大夫關內侯臣邕太常臣晏衛尉昌邑侯臣偉太僕臣疑廷尉定陵

侯臣繁、大鴻臚臣芝、大司農臣祥、少府臣襄、永寧衛尉臣禎、永寧
太僕臣閼、大長秋臣模、司隸校尉潁昌侯臣曾、河南尹蘭陵侯臣
肅、城門校尉臣慮、中護軍永安亭侯臣望、武衛將軍安壽亭侯臣
演、中堅將軍平原侯臣德、中壘將軍昌武亭侯臣廙、屯騎校尉關
內侯臣陔、步兵校尉臨晉侯臣建、射聲校尉安陽鄉侯臣溫、越騎
校尉睢陽侯臣初、長水校尉關內侯臣超、侍中臣小同、臣顗、臣鄴、
博平侯臣表、侍中中書監安陽亭侯臣誕、散騎常侍臣瓌、臣儀、關
內侯臣芝、尚書僕射光祿大夫高樂亭侯臣毓、尚書關內侯臣邕、
臣叔、長合鄉侯臣亮、臣贊、臣竊、中書令臣康、御史中丞臣鈐、博士
臣範、臣峻等稽首言：臣等聞天子者，所曰濟育羣生，永安萬國。三
祖勲烈，光被六合，皇帝卽位，纂繼洪業，春秋已長，未親萬機，耽淫
內寵，沈漫女色，廢捐講學，棄辱儒士，日延小優，郭懷、袁信等，于建
始芙蓉殿前，裸袒遊戲，使與保林女，尚等爲亂，親將後宮瞻觀，又

於廣望觀上使懷信等於觀下作遼東妖婦嬉褻過度道路行人掩目帝於觀上曰爲譙笑於陵雲臺曲中施帷見九親婦女帝臨宣曲觀呼懷信使入帷共飲酒懷信等更行酒婦女皆醉戲侮無別使保林李華劉勳等與懷信等戲清商令狐景阿華勳曰諸女上左右人各有官職何曰得爾華勳數譏毀景帝嘗喜曰彈彈人曰此悲景彈景不避首目景語帝曰先帝持門戶急今陛下日將妃后游戲無度至乃共觀倡優裸袒爲亂不可令皇太后聞景不愛死爲陛下計耳帝言我作天子不得自在耶太后何與我事使人燒鐵灼景身體皆爛甄后崩後帝欲立王貴人爲皇后太后更欲外求帝悲語景等魏家前後立皇后皆從所愛耳太后必違我意知我當往不也後卒待張皇后疏薄太后遭合陽君喪帝日在後園倡優音樂自若不數往定省清商丞龐參諫帝皇太后至孝今遭重憂水漿不入口陛下當數往寬慰不可但在此作樂帝

言我自爾誰能奈我何。皇太后還北宮。殺張美人及謁婉。帝悲望語景等。太后橫殺我所寵愛。此無復母子恩。數往至故處啼哭。私使暴室厚殯棺。不令太后知也。每見九親婦女有美色。或畱以付清商。帝至後園竹間戲。或與從官攜手共行。熙白從官不宜與至尊相提挈。帝怒復召彈彈熙。日游後園。每有外文書人。帝不省。左右曰出。帝亦不索視。太后令帝常在式乾殿上講學。不欲使行來。帝徑去。太后來問。輒詐令黃門荅言在耳。景熙等畏恐不敢復止。更共諂媚帝。肆行昏淫。敗人倫之敘。亂男女之節。恭孝彌廢。凶德浸盛。臣等憂懼。傾覆天下。危墜社稷。雖殺身斃命。不足召塞責。今帝不可召承天緒。臣請依漢霍光故事。收帝璽綬。帝本召齊王踐祚。宜歸藩于齊。使司徒臣柔持節。與有司召太牢告祀宗廟。臣謹昧死召聞。

魏志齊王芳紀

奏請葬高貴鄉公召王禮

魏甘露五年五月

太傅孚大將軍文王太尉柔司徒沖稽首言伏見中令故高貴鄉公悻逆不道自陷大禍依漢昌邑王罪廢故事曰民禮葬臣等備位不能匡救禍亂式遏姦逆奉令震悚肝心悼慄春秋之義王者無外而書襄王出居於鄭不能事母此絕之於位也今高貴鄉公肆行不軌幾危社稷自取傾覆人神所絕葬曰民禮誠當舊典然臣等伏惟殿下仁慈過隆雖存大義猶存哀矜臣等之心實有不忍曰爲可加恩曰王禮葬之

魏志高貴鄉公紀

奏請易服復膳

秦始皇元年

太宰司馬孚太傅鄭沖太保王祥太尉何曾司徒領中領軍司馬望司空荀顗車騎將軍賈充尚書令裴秀尚書僕射武該都護大將軍郭建侍中郭綏中軍將軍羊祜等奏曰臣聞禮典軌度豐殺隨時虞夏商周咸不相襲蓋有由也大晉紹承漢魏有革有因期於足曰興化而已故未得皆返太素同規上古也陛下旣已俯遵

漢魏降喪之典。曰濟時務而躬蹈大孝。情過乎哀。素冠深衣。降席

撤膳。雖武丁行之於殷世。曾閔履之於布衣。未足曰踰。宋志作喻方今

荆蠻未夷。庶政未艾。萬機事殷。動勞神慮。豈遑全遂。聖旨曰從至

情。加歲時變易。期運忽過。山陵彌遠。攀慕永絕。臣等曰爲陛下宜

回慮。割情。曰康時濟俗。輒敕御府易服。內省改坐。太官復膳。諸所

施行。皆如舊制。晉書禮志中宋書禮志二通典八十文帝崩國內

衣素冠降席撤膳行服三日。武帝亦遵漢魏之典。既葬除喪。然猶深

重奏。

伏讀聖詔。感曰悲懷。輒思仲尼所曰抑宰我之間。聖思所曰不能

曰已。甚深甚篤。然今者干戈未戢。武事未偃。萬機至重。天下至眾。

陛下曰萬乘之尊。履布衣之禮。服麤席。棄水飲蔬食。殷憂內盈。毀

悴外表。然而躬勤萬機。坐而待旦。降心接下。仄不遑食。所曰勞力

者如斯之甚。是曰臣等悚息不寧。誠懼神氣用損。曰疾大事。輒敕

有司改坐復常率由舊典惟陛下察納愚款曰慰皇太后之心

晉書

禮志中宋書禮志二

通典八十等重奏

奏止詣陵

泰始二年八月

太宰司馬孚尚書令裴秀尚書僕射武陟等奏陛下至孝蒸蒸哀思罔極衰麻雖除哀毀蔬食有損神和秋節尚有餘暑謁見山陵悲感摧傷羣下竊用竦息平議曰爲宜惟遠體降抑聖情曰慰萬國

晉書禮志中

宋書禮志二

重奏

臣聞上古喪期無數後世乃有年月之漸漢文帝隨時之義制爲短喪傳之於後陛下曰社稷宗廟之重萬方億兆之故既從權制釋除衰麻羣臣庶僚吉服今者謁陵曰敘哀慕若加衰絰近臣期服當復受制進退無當不敢奉詔

晉書禮志中秀等重奏宋書禮志二作孚等重奏

案晉志全

冊宋志而改作秀者豈此素見秀集中耶今仍從宋志

又奏

臣聞聖人制作必從時宜故五帝殊樂三王異禮此古今所目不同質文所目迭用也陛下隨時之宜既降心克己俯就權制既除衰麻而行心喪之禮今復制服義無所依若君服而臣不服雖先帝厚恩亦未之敢安也參量平議宜如前奏

晉書禮志中秀等又奏宋書禮志二作孚

皇后銘旌議

魏景初元年

魏明悼后崩議書銘旌或欲去姓而書魏或欲兩書字目爲經典正義皆不應書凡帝王皆因本國之名目爲天下之號而與往代相別耳非爲擇美名目自光也天稱皇天則帝稱皇帝地稱后土則后稱皇后此乃所目同天地之大號流無二之尊名不待稱國號目自表不俟稱氏族目自彰是目春秋隱公三年經曰三月庚戌天王崩尊而稱天不曰周王者所目殊乎列國之君也八月庚

辰宋公和卒書國稱名所曰異乎天王也襄公十五年經曰劉夏
逆王后于齊不云逆周王后姜氏者所曰異乎列國之夫人也至
乎列國則曰夫人姜氏至自齊又曰紀伯姬卒書國稱姓所曰異
乎天王后也由此攷之尊稱皇帝赫赫無二何待於魏乎尊稱皇
后彰曰諡號何待於姓乎議者欲書魏者此曰爲天皇之尊同於
往古列國之君也或欲書姓者此曰爲天皇之后同於往古之夫
人也垂經典之大義異乎聖人之明制非所曰垂訓將來爲萬世
不易之式者也

晉書安平王字傳

臨終遺令

秦始皇八年

有魏貞士河南溫縣司馬孚字叔達不伊不周不夷不惠立身行
道終始若一當曰素棺單槨斂曰時服

晉書安平王字傳

下邳王晃

晃字子明字第五子魏封武始亭侯拜黃門侍郎改封西安男

出爲東莞太守。武帝受禪，封下邳王，就國。後爲長水校尉。南中
郎將拜尙書，遷右僕射。太康中，出爲鎮東將軍、都督青徐諸軍
事。惠帝卽位，徵拜車騎將軍，加散騎常侍，領護軍，守尙書令。代
隴西王泰爲司空，加侍中。元康六年薨，諡曰獻王。

奏廢楊太后

皇太后與駿潛謀欲危社稷，不可復奉承宗廟，配合先帝，宜貶尊
號，廢詣金墉城。晉書武悼
楊后傳

河間王顥

顥，字文載，字孫初，襲父瓌爵爲太原王。咸寧三年，改封河間王。
元康初，爲北中郎將，監鄴城，尋遷平西將軍，鎮關中。趙王倫誅
進侍中、太尉，尋舉兵討齊王冏，冏敗，復攻長沙王乂，及乂死，已
爲太宰、大都督，雍州牧，尋劫遷車駕，爲東海王越等所敗，逃入
太白山。永嘉初，徵爲司徒，南陽王模遣將殺之。

矯詔討劉興

得豫州刺史劉喬檄稱潁川太守劉興追脅驃騎將軍范陽王虓距逆詔命多樹私黨造構凶逆擅劫郡縣合聚兵眾興兄弟昔因趙王婚親擅弄權勢凶狡無道久應誅夷目遇赦令得全首領小人不忌爲惡日滋輒用苟晞爲兗州斷截王命鎮南大將軍荊州刺史劉弘平南將軍彭城王繹征東大將軍準其各勒所領徑會許昌與喬并力今遣右將軍張方爲大都督統精卒十萬督建武將軍呂朗廣武將軍騫羆建威將軍陽平太守刁默率步騎十萬爲軍前鋒同會許昌呂除興兄弟敢有舉兵距違王命誅及五族能殺興兄弟送首者封三千戶縣侯賜絹五千匹

晉書惠帝紀永興二年十月詔

云云又見劉興傳曰爲河間王顯矯詔

表廢齊王罔

王室多故禍難罔已大司馬罔雖唱義有興復皇位之功而定都

邑克寧社稷實成都王之動力也而固不能固守臣節實協異望
在許昌營有東西掖門官置治書侍御史長史司馬直立左右如
侍臣之儀京城大清篡逆誅夷而率百萬之眾來繞洛城阻兵徑
年不一朝觀百官拜伏晏然南面壞樂官市署用自增廣輒取武
庫祕杖嚴列不解故東坡王粲知其逆節表陳事狀而見誣陷加
罪黜徙已樹私黨僭立官屬幸妻嬖妾名號比之中宮沈湎酒色
不恤羣黎董艾放縱無所畏忌中丞按奏而取退免張偉愾惇擁
停詔可葛旗小豎維持國命操弄王爵貨賂公行羣姦聚黨擅斷
殺生密署腹心實爲貨謀斥罪忠良伺窺神器臣受重任蕃衛方
嶽見固所行實懷激憤卽日翊軍校尉李含乘驛密室宣騰詔旨
臣伏讀感切五情若灼春秋之義君親無將固擁彊兵樹置私黨
權官要職莫非腹心雖復重責之誅恐不義服今輒勒兵精卒十
萬與州征並協忠義共會洛陽驃騎將軍長沙王乂同奮忠誠廢

固還策有不順命軍法從事成都王穎明德茂親功高勳重往歲
去就允合眾望宜爲宰輔代固阿衡之任晉書齊王固傳明平校尉李含奔於長安詐云受密詔使河間王賜誅固因導兵利謀斷從之上表云云

竟陵王楙

楙字孔偉字孫初封樂陵亭侯參相國軍事武帝受禪封東平
王入爲散騎常侍尙書惠帝時遷大鴻臚加侍中趙王倫篡位
召爲衛將軍都督諸軍事倫誅坐免齊王固輔政舉爲平東將
軍都督徐州軍事鎮下邳成都王穎輔政進衛將軍遷車騎將
軍懷帝卽位改封竟陵王拜光祿大夫洛陽陷爲亂兵所殺

上言王昌求爲前母服

王昌父志本居長沙有妻息漢末使入中國值吳叛仕魏爲黃門
郎與前妻息死生隔絕更娶昌母今江表一統聞前母久喪言疾
求平議晉書禮志中太康元年東平王楙上言云云案言疾二字有脫誤通典八十九載此事云後漢末長沙人王志上

計至京師值吳玠分隔其妻子在吳身留中國爲魏黃門郎更娶
妻生昌及式慈卒後昌爲東平相至晉太康元年吳平時先前妻
已卒昌聞喪求去官行
服東平王琳上臺評議

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷十四終

全晉文卷十五

烏程嚴可均校輯

東海王越

越字元超。宣帝弟。魏魯相東武城侯馮之孫。父高密王泰。初爲隴西王。立爲世子。拜騎都尉。遷散騎侍郎。惠帝初。歷左衛將軍。加侍中。遷散騎常侍。輔國將軍。尙書右僕射。領游擊將軍。復爲侍中。加奉車都尉。封東海王。永康初。爲中書令。徙侍中。太安初。遷司空。領中書監。加守尙書令。永興初。爲大都督。討鄴。呂蕩陰之敗。出奔下邳。惠帝西幸。呂爲太傅。不受。尋呂司空領徐州都督。唱義奉迎大駕。光熙初。呂太傅錄尙書事。永嘉初。出鎮許昌。尋領兗州牧。都督兗豫司冀幽并六州。移鎮鄆城。進司徒。呂禦劉聰入保京城。尋出軍東屯於項。加九錫。自領豫州牧。薨。諡曰孝獻王。軍沒於賊。追貶爲縣王。

救世子毗

夫學之所益者淺體之所安者深閑習禮度不如式瞻儀型諷味

遺言不若親承音旨王參軍人倫之表汝其師之世說實譽篇東海王鎮許昌曰

王安期爲記室參軍雅相知重救世子毗云云或曰王趙鄧三參軍人倫之表汝其師之謂安期鄧伯道趙穆也袁宏作名士傳直

見文選齊竟陵王行狀注引晉中興書又

與趙穆王承阮瞻鄧攸謝鯤等書

禮年八歲出就外傳明始可目加師訓之則十年曰幼學明可目

漸先王之教也然學之所受者淺體之所安者深是曰閑習禮度

不如式瞻儀型諷味遺言不如親承辭旨小兒毗既無令淑之質

不聞道德之風欲屈諸君時曰閑豫周旋燕誨也世說實譽篇注引趙吳郡行狀

又見晉書阮瞻傳

承制起陳敏書

將軍建謀當國則有大漕之勲及遭冰昌之亂則首率義徒曰寡

敵眾外無彊兵之援。內無運籌之侶。隻身挺立。雄略從橫。摧奇謀於馬首。奮靈計於臨危。金聲振於江外。精光赫於揚楚。攻堅陷險。三十餘戰。師徒無虧。勦敵自滅。五州復全。芟茅入貢。豈非將軍之功力哉。今羯賊屯結。遊魂河濟。鼠伏雉竄。藏匿陳畱。始欲姦盜。終圖不軌。將軍孫吳之術。既明已試之功。先著孤與將軍情分。特隆想割草土之哀。抑難居之思。捨經執戈。來卹國難。天子遠巡。鑾輿未反。引領東眷。有懷山陵。當憑將軍勦力。王輅有旌。將軍率將所領。承書風發。米布軍資。惟將軍所運。

晉書陳敏傳

與江統書

昔王子師作豫州。未下車。辟荀慈明。下車辟孔文舉。貴州人士。有堪應此求者。不知君舉高平郗道微爲賢良。陳畱阮宣子爲直言。濟北程弘叔爲方正。皆於時選爲允。

御覽二百六十三引江家傳。又晉書江統傳有前五句。

檄方鎮兵討石勒。

皇綱失御。社稷多難。孤臣弱才。備當大任。自頃胡寇內逼。偏裨失利。帝鄉便爲戎州。冠帶奄成殊域。朝廷上下。臣爲憂懼。皆由諸侯蹉跎。遂及此難。投袂忘履。討之已晚。人情奉本。莫不義奮。當須合會之眾。臣俟戰守之備。宗廟主上。相賴匡救。檄至之日。便望風奮發。忠臣戰士。效誠之秋也。晉書東海王越傳

范陽王虓

虓字武會。宣帝弟。虓之孫。咸寧五年。嗣父綬爲范陽王。臣宗室。選拜散騎常侍。累遷尙書。惠帝時。出爲安南將軍。都督豫州諸軍事。持節鎮許昌。進位征南將軍。永興初。爲都督河北諸軍事。驃騎將軍。持節領豫州刺史。王浚又表領冀州刺史。光熙元年。臣迎大駕。功拜司空。尋薨。案本傳作司徒。惠紀作司空。當有一誤。

上表言河間王頤等宜委任如舊

自愍懷被害。皇儲不建。委重前相。輒失臣節。是臣前年太宰與臣

永惟社稷之貳不可久空所召其成成都王穎召爲國副受重之後而弗克負荷小人勿用而召爲腹心骨肉宜敦而猜佻荐至險誠宜遠而讒說殄行此皆臣等不聰不明失所宗賴遂令陛下謬於降授雖戮臣等不足召謝天下今大駕還宮文武空曠制度荒破靡有孑遺臣等雖劣足匡王室而道路之言謂張方與臣等不同既惜所在興異又召太宰惇德允元著於具瞻每當義節輒爲社稷宗盟之先張方受其指教爲國效節昔年之舉有死無貳此卽太宰之良將陛下之忠臣但召受性強毅不達變通遂守前志已致紛紜然退思惟既是其不易之節且慮事辭之後爲天下所罪故不卽西還耳原其本事實無深責臣聞先代明主未嘗不全護功名今福流子孫自中間召來陛下功臣初無全者非獨人才皆劣其於取禍實由朝廷策之失宜不相容恕召一旦之咎喪其積年之勳既違周禮議功之典且使天下之人莫敢復爲陛下致

節者臣等此言豈獨爲一張方實爲社稷遠計欲令功臣長守富貴臣愚曰爲宜委太宰曰關右之任一事方重及自州郡曰下選舉授任一皆仰成若朝之大事廢興損益每輒躊躇此則二伯述職周召分陝之義陛下復行於今時遣方還邵令羣后申志時定王室如加方官請悉如舊此則忠臣義士有勸功臣必全矣司徒戎異姓之賢司空越公族之望竝忠國愛主小心翼翼宜幹機事委曰朝政安北將軍王浚佐命之將率身履道忠亮清正遠近所推如今日之大舉實有定社稷之勲此是臣等所曰嘆息歸高也浚宜特崇重之曰副羣望遂撫幽朔長爲北藩臣等竭力扞城藩屏皇家陛下垂拱而四海自正則四祖之業必隆於今日月之暉昧而復曜乞垂三思察臣所言又可曰臣表西示太宰晉書范陽王斌傳與東平王琳鎮東將軍周馥等上言案篇未云可曰臣表西示太宰則此篇是表也又上表理成都王穎

成都王失道爲姦邪所誤論王之身不宜深責且先帝遺體陛下羣弟自元康已來罪戾相尋實海內所爲何何而臣等所目痛心今廢成都更封一邑宜其必許若廢黜尋有禍害旣傷陛下矜慈之恩又令遠近恆謂公族無復骨肉之情此實臣等內省悲慙無顏於四海也乞陛下察臣忠款

晉書范陽王虓傳

彭城王紘

紘字偉德宣帝弟廆之玄孫初爲高密王據嗣至彭城王雄坐奔蘇峻伏誅更入繼本宗拜國子祭酒加散騎常侍遷大宗正祕書監召風疾更拜光祿大夫領大宗師疾甚解職咸康八年薨贈散騎常侍金紫光祿大夫有集二卷

上言宜敕作樂賢堂佛像頌

樂賢堂有先帝手畫佛像經歷寇難而此堂猶存宜敕作頌

御覽

五十七引晉書帝下其議曰蔡謏言遂廢又見晉書蔡謏傳

護王承

承字敬才。宣帝弟魏中郎進之孫。拜奉車都尉。奉朝請。稍遷庶威將軍。安夷護軍。鎮安定。惠帝末。拜游擊將軍。永嘉中。避亂渡江。元帝鎮揚州。召爲軍諮祭酒。愍帝徵爲龍驤將軍。不行。元帝爲晉王。承制嗣父遜爲譙王。太興初。拜屯騎校尉。加輔國將軍。領左軍將軍。加散騎常侍。尋出監湘州諸軍事。南中郎將。湘州刺史。爲王敦將魏乂等所攻城陷。荊州刺史王廙承敦旨殺之。敦平。追贈車騎將軍。諡曰閔。

答安南將軍甘卓書

季思足下。勞於王事。天網暫圯。中原巨墟。四海義士。方謀剋復。中興江左。草創始爾。豈圖惡逆萌自寵臣。吾目闇短。託宗皇屬。仰豫密命。作鎮南夏。親奉中詔。成規在心。伯仁諸賢。扼腕岐路。至止尙淺。凡百茫然。豺狼易驚。遂肆醜毒。聞知駭聞。神氣衝越。子來之儀。

人思自百不命而至累過數千誠足呂決一旦之機據山海之墳矣然迫於倉卒舟楫未備魏又李恆尋見圍逼是故事與意違志力未展猥辱來使深同大趣嘉謀英算發自深衷執讀周復欣無已量足下若能卷甲電赴猶或有濟若有狐疑求我枯魚之肆矣兵聞拙速未覩工遲季思足下勉之勉之書不盡意絕筆而已

進王承傳

譙王無忌

無忌字公壽承子嗣封譙王咸和中拜散騎侍郎累遷屯騎校尉中書黃門侍郎建元初遷散騎常侍轉御史中丞出爲輔國將軍長沙相又領江夏相尋轉南郡河東二郡太守已從平蜀功進前將軍永和六年薨贈衛將軍諡曰烈王有集九卷

圓竹扇賦

止若垂棘曜匣遊若羲和朝征靜無爲而虛寂動感通而風生

世昌鈔

一百三

十四

京兆府君遷主議

諸儒謂太王季遷主藏於文武之祧如此府君遷主宜在宣皇帝廟中然今無寢室宜變通而改築又殷祫大廟征西東面

宋書禮志

王允之表郡與祖名同乞改授議

春秋之義不曰家事辭王事是上之行乎下也夫君命之重固不

得崇其私又國之典憲亦無曰祖名辭命之制也

通典一百四歲康八年詔曰王

允之爲衛將軍會稽內史允之表郡與祖會名同乞改授詔曰祖諱孰若君命之重耶下八座詳之給事黃門侍郎譙王無忌議曰

譙王恬

恬字元愉無忌子嗣封譙王拜散騎侍郎累遷散騎常侍黃門郎御史中丞簡文卽位遷右衛將軍司雍秦梁四州大中正拜

尚書轉侍中、領右衛將軍、補吳國內史。又領太子詹事。孝武時復爲御史中丞、拜都督、充青冀幽并揚州之晉陵、徐州之南北郡軍事、領鎮北將軍、假節、充青二州刺史。太元十五年薨。贈車騎將軍。諡曰敬王。

喪遇閏議

夫閏非正數。故附前月爲稱。至於月也。豈得爲一臣請曰。宿度論之。閏所附月盡之夕。寧猶見乎。又閏之初。豈不始魄。曰。茲言之。可不爲兩月邪。天無是月。正數耳。非無此月也。若用閏。祥則虧二十五月之大斷。失周忌之正典。出於祥月。非卜遠日之謂。二三無據。義實致疑。愚謂正周而除。於禮爲允。通典一百御史中丞譙王恬諫

譙王尚之

尚之字伯道。恬子。爲祕書郎。遷散騎侍郎。出爲振威將軍、廣陵相。尋嗣封譙王。爲驃騎諮議參軍。呂討王恭功。拜建威將軍、豫

州刺史假節尋進號前將軍討桓玄兵潰被擒斬於建康市安
帝反正追贈衛將軍諡曰忠王

與張新安論孔釋書

佛教曰罪福因果有若影響聖言明審令人寒心然自古帝皇
文武孔周典謨訓誥靡不周備未有述三世顯敘報應者也彼眾
聖皆窮理盡性照曉物緣何得忍視陷溺莫肯援接曾無一言示
其津逕且鈞而不綱弋不射宿博碩肥腠上帝是享曰此觀之蓋
所難了想二三子揚摧而陳使割然有證祛其惑焉張明集十二
司馬休之

休之字季預尚之弟曰討王恭功拜龍驤將軍襄城太守鎮歷
陽爲桓玄所敗奔於慕容超聞義兵起南歸武陵王遵承制曰
爲荊州刺史鎮江陵復爲桓振所敗徵拜後將軍會稽內史盧
循入寇加督浙江東五郡軍事坐事免及劉毅誅復爲都督荆

雍梁陳寧益六州軍事平西將軍荊州刺史假節與雍州刺史魯宗之謀討劉裕爲裕所敗奔於姚興興死依姚泓泓滅將奔於魏末至道死

上表謝罪

文思不能聿修自詒罪戾憂懼震惶愧愧交集臣御家無方威訓不振致使子姪愆法仰負聖朝悚赧兼懷胡顏自處請解所任歸罪闕庭晉書司馬休之傳曰兄子文思爲亂上疏謝案宋書武帝紀中休之上表自陳云裕遠送文思臣願其此旨表送章節則曰此疏爲表今從之

上表自陳

臣聞運不常一治亂代有陽九旣謝圯終則秦昔篡臣肆逆皇綱絕紐十世未改鼎祚再隆太尉臣裕威武明斷首建義旗除蕩元凶皇后反正布衣匹夫匡復社稷南剿盧循北定廣固千載已來功無與等由是四海歸美朝野推崇旣位窮台牧權傾人主不能

曰道處功恃寵驕溢。自曰酬賞既極。便情在無上。刑戮逆濫。政用暴苛。問鼎之迹日彰。人臣之禮頓缺。陛下四時膳御。觸事懸空。宮省供奉。十不一在。皇后寢疾之際。湯藥不周。手與家書。多所求告。皆是朝士共所聞見。莫不傷懷憤歎。口不敢言。前揚州刺史元顯第五息法興。桓玄之覺。逃遠於外。王路既開。始得歸本。太傅之片絕而復興。凡在有懷。誰不感慶。裕吞噬之心。不避輕重。曰法興聰敏明慧。必爲民望所歸。芳蘭旣茂。內懷憎惡。乃妄扇異言。無罪卽戮。大司馬臣德文及王妃公主情許切逼。竝狼狽請命。逆肆禍毒。誓不矜許。冤酷之痛。感動行路。自曰地卑位重。荷恩崇大。乃曰庶孽。與德文嫡婚。致茲非偶。實由威逼。故衛將軍劉毅。右將軍劉藩。前將軍諸葛長民。尙書僕射謝混。南蠻校尉郗僧施。或盛動德胤。令望在身。皆社稷輔弼。協贊所寄。無罪無辜。一旦夷滅。猜忍之性。終古所希。臣自惟門戶衰破。賴之獲存。皇家所重。終古難匹。是

目公私歸馮事盡祇順再授荊州輒苦陳告自己才弱位隆不宜久荷分陝屢求解任必不見聽前經攝侍老母半家俱西凡諸子姪悉畱京輦臣兄子譙王文思雖年少常人粗免咎悔性好交遊未知防遠羣醜交構爲其風聲裕遂翦戮人士遠送文思臣順其此旨表送章節請廢文思改襲大宗遣息文寶送女東歸自謂推誠奉順理不過此豈意裕苞藏禍心遂見討伐加惡文思構生罪釁羣小之言遠近噂喏而臣純愚闇信必謂不然尋臣府司馬張茂度狼狽東歸南平太守檀範之復曰此月三日委郡叛逆尋有審問東軍已上裕今此舉非有怨憎正曰臣王室之幹位居藩岳時賢既盡唯臣獨存規曰翦滅成其篡殺鎮北將軍臣宗之青州刺史臣敬宣竝是裕所深忌憚欲曰次除蕩然後傾移天日於事可易今荆雍義徒不召而集子來之眾其會如林豈臣無德所能綏致蓋七廟之靈理貫幽顯輒授文思振武將軍南郡太守宗之

子竟陵太守魯軌進號輔國將軍臣今與宗之親御大眾出據江
津案甲抗威隨宜應赴今絳旗所指唯裕兄弟父子而已須剋蕩
寇逆尋續馳聞由臣輕弱致裕凌橫上慚俯愧無日厝顏宋書武
義熙十一年收休之子文寶兄子文祖並
於獄賜死率眾軍西討休之上表自陳

賜進士出身一品銜廣東等處提刑按察使司按察使兼管驛傳事務黃岡王毓藻校刊

全晉文卷十六

烏程嚴可均校輯

司馬彪

彪字紹統，宣帝從子，高陽王睦之長子。魏時拜騎都尉，泰始中爲祕書郎，轉丞，後拜散騎侍郎。惠帝末卒。有續漢書八十三卷，九州春秋十卷，莊子注二十一卷，戰略隋志作兵記二十卷，集四卷。

駁祀六宗表

臣曰：爲帝在于類，則禋者非天，山川屬望，則海岱非宗。宗猶包山，則望何秩焉？伏與歆遠，失其義也。六合之間，非制典所及，六宗之數，非一位之名。陰陽之說，又非義也。竝五緯，曰爲一，分文昌，曰爲二。箕畢旣屬於辰，風師雨師復特爲位，玄之失也。安國案祭法爲宗，而除其天地於上，遺其四方於下，取其中，曰爲六宗，四時寒暑日月眾星并水旱所宗者八，非但六也。傳曰：山川之神，則水旱厲

全晉文卷十六

晉書

疫之災於是乎禱之。日月星辰之神則雪霜風雨之不時於是乎禱之。又曰龍見而雩如此禱者祀日月星辰山川之名雩者周人四月祭天求雨之稱也。雪霜之災非夫禱之所禱雩祭之禮非正月之所祈。周人之後說有虞之典故於學者未盡喻也。且類於上帝卽禮天也。望於山川禱所及也。案周禮云昊天上帝日月星辰司中司命風師雨師社稷五祀五嶽山林川澤四方百物又曰兆五帝於四郊四類四望亦如之。無六宗之兆祭法云祭天祭地祭時祭寒暑日月星祭水旱祭四方及山林川澤丘陵能出雲爲風雨見怪物皆是有天下者祭百神非此族也不在祀典復無六宗之文明六宗所禋卽祭法之所及周禮之所祀卽虞書之所宗不宜特復立六宗之祀也。春官大宗伯之職掌玉作六器以禮天地四方曰蒼璧禮天曰黃琮禮地曰青圭禮東方曰赤璋禮南方曰白琥禮西方曰玄璜禮北方。天宗日月星辰寒暑之屬也。地宗社

稷五祀之屬也。四方之宗者，四時五帝之屬也。如此，則羣臣咸秩而無廢，百禮徧修而不滯於理爲通。續漢祭祀志中注：晉武帝初，司馬紹統表駿之云云。案晉書司馬彪傳：泰始初，武帝親祠南郊，彪上疏定議，在郊祀志今晉書無郊祀志，惟禮志上載處二語，蓋本傳所指乃舊晉書也。

與山巨源書

根枝失據，託命此別，告求矜愍，許見賑恤。窮人易感，悲喜兼懷，承命之後，情過挾纊。御覽四百八十六

續漢書敘

先王立史官，以書時事，載善惡，以爲沮勸，最教世之要也。是已春秋不修，則仲尼理之。闕雖旣亂，則師摯修之。前哲豈好煩哉？蓋不得已故也。漢氏中興，訖於建安，忠臣義士，亦已昭著，而時無良史，記述煩雜，譙周雖已刪除，然猶未盡安順已下亡缺者多。彪乃討論眾書，綴其所聞，起於世祖，終於孝獻，編年二百，錄世十二，通綜上下，旁貫庶事，爲紀志傳凡八十篇，號曰續漢書。晉書司馬彪傳

續漢書光武紀論

案御覽
從作捉
旅田作
虞思
并下脫之
參三字

昔羿浞篡夏數十年，少康生爲仍收正，能修德復夏，厥勳大矣。然
尙有旅田及靡有鬲内外之助，至於光武承王莽，起自匹庶，一民
尺土，靡有憑焉。發迹於昆陽，百數千屠百萬，非膽智之主，孰能堪
之。討賊平亂，克復炎漢，號稱中興，皆無百加之矣。中國既定，柔遠
已德，愛慎人命，下及徭役，武功旣備，抗文德，修經術，勳績宏矣。御覽

和帝紀論

孝和年十四，能折外戚驕橫之權，卽昭帝斃，上官之類矣。朝政遂
一，民安職業，勤恤本務，苑囿希幸，遠夷稽服，四域開泰，郡國言符
瑞八千餘品，咸懼虛妄，抑而不宣云爾。御覽九十一

新野王歆

歆字弘舒，扶風王駿子。太康中，封新野縣公。趙王倫篡位，百爲

南中郎將尋從齊王冏舉義召功進封新野郡王遷使持節都督荊州諸軍事鎮南大將軍開府儀同三司鎮襄陽太安元年張昌反遇害追贈驃騎將軍諡曰莊王

上言張昌反狀

妖賊張昌劉尼妄稱神聖犬羊萬計絳頭毛面挑刀走戟其鋒不可當請臺敕諸軍三道救助

晉書張昌傳

汝南王亮

亮字子翼宣帝第四子仕魏爲散騎侍郎封萬歲亭侯拜東中郎將進封庶陽鄉侯免尋拜左將軍加散騎常侍假節監豫州軍事五等建改封祔陽伯轉鎮西將軍武帝受禪封扶風郡王持節都督關中雍涼諸軍事坐事貶爲平西將軍免尋拜撫軍將軍延寧初進衛將軍加侍中三年徙封汝南王出爲鎮南大將軍都督豫州諸軍事開府尋徵爲侍中撫軍大將軍領後軍

將軍遷太尉錄尚書事領太子太傅武帝寢疾召爲大司馬大
都督督豫州諸軍事出鎮許昌元康初徵爲太宰與太保衛璠
輔政賈后矯詔使楚王瑋殺之瑋誅追復爵位諡曰文成王

日蝕上言

三司之任天地人也乾道不普故水旱爲災人倫失敘故奸兇不
禁乃者荊州之城妖菑仍興任城國都水流變赤近三朝之始日
有蝕之孟陽節過堅冰未消臣等瑱才叨據高位可謂小人而乘
君子之器宜就顯戮臣答天意謹免冠徒跣上所假章綬北堂書
引晉八王故事太康七年正月旦日蝕詔公卿大臣各上封事其
答安在汝南王亮與司徒舒司空璿上言詔使冠履勿復通表
奏議刑法

夫禮曰訓世而法曰整俗理化之本事實由之若斷不斷常隨輕
重意則王憲不一人無所錯矣故觀人設教在上之舉守文直法
臣吏之節也臣召去太康八年隨事異議周懸象魏之書漢詠畫

一之法誠曰法與時共義不可二合法素定而法爲議則有所開

長已爲宜如頌所啟爲永久之制

晉書刑法志劉頌爲三公尙書又上疏云云詔下其事太宰汝

琅邪王仙

仙字子將宣帝第五子魏時封南安亭侯進東武鄉侯五等建封南皮伯武帝受禪封東莞郡王出爲鎮東大將軍假節徐州諸軍事改封琅邪王平吳後并督青州加侍中進大將軍薨諡曰武王

表山簡

從事中郎缺用第三品中散大夫河內山簡清精履正才識通濟

品儀第三也

書鈔六十八引鎮東大將軍司馬仙表

梁王彤

彤字子微宣帝第八子魏時封平樂亭侯五等建改封開平子

武帝受禪封梁王除北中郎將督鄴城守事太康中代孔洵監
豫州軍事加平東將軍鎮許昌尋代下邳王晃監青徐州軍事
進號安東將軍元康初轉征西將軍代秦王東都督關中軍事
領護西戎校尉加侍中進督梁州徵爲衛將軍錄尚書事行太
子太保復爲征西大將軍代趙王倫都督涼雍諸軍事屯好峙
徵拜大將軍尚書令領軍將軍錄尚書事永康初進太宰守尚
書令趙王倫篡位曰爲阿衡倫誅復爲太宰領司徒代高密王
泰爲宗師薨諡曰靈王改諡曰孝王

理馬敦疏

敦固守孤城獨當窮寇曰少禦眾載離寒暑臨危奮節保穀全城
而雍州從事忌敦勳效極推小疵非所宜褒獎元功宜解敦禁劾

假授

文選潘岳
馬汧督諫

趙王倫

倫字子彝宣帝第九子魏嘉平初封安樂亭侯五等建改封東
安子拜諫議大夫武帝受禪封琅邪郡王行東中郎將宣威將
軍咸寧中改封趙王遷平北將軍鎮鄴城進安北將軍元康初
遷征西將軍鎮關中徵拜車騎將軍太子太傅領右軍將軍永
康初自爲使持節大都督中外諸軍事相國加九錫永寧元年
遷惠帝於金墉城改元建始篡位四月齊王冏等舉義迎帝反
正賜死

矯詔廢賈后

中宮與賈謐等殺吾太子今使車騎入廢中宮汝等皆當從命賜
爵關中侯不從誅三族

晉書趙王倫傳永康元年四月矯詔殺三部司馬

迎惠帝復位詔

吾爲孫秀等所誤自怒三王今已誅秀其迎太上復位吾歸老于
農畝

晉書趙王倫傳王與曰營兵七百餘人屯雲龍門使倫爲詔

齊王攸

攸字大猷小字桃符文帝第二子出嗣景帝後自從征王浚功封長樂亭侯後襲景帝爵武陽侯歷散騎常侍步兵校尉五等建改封安昌侯遷衛將軍武帝受禪封齊王遷驃騎將軍開府儀同三司轉鎮軍大將軍加侍中行太子少傅咸寧二年代賈充爲司空太康三年遷大司馬都督青州諸軍事明年遣就國臨行歐血死諡曰獻王

下齊國相令

忝受恩禮不稱惟憂至於官人敘才皆朝廷之事非國所宜裁也其令自上請之

晉書齊王攸傳國相上長史
錄典書令請求差選攸下令

下敕諸吏慎刑

夫先王馭世明罰敕法鞭朴作教呂正逋慢且唐虞之朝猶須督責前欲撰次其事使粗有常懼煩簡之宜未審其要故令劉程二

君詳定然思惟之鄭鑄刑書叔向不違范宣議制仲尼譏之令皆如舊無所增損其常節度所不及者隨事處決諸吏各竭乃心思同在公古人之節如有所闕晉書齊王曰賴股肱匡佐之規庶曰免負

傳

藩王自選長史議

昔聖王封建萬國曰親諸侯軌跡相承莫之能改誠曰君不世居則人心偷幸人無常主則風俗僞薄是曰先帝深覽經遠之統思復先哲之軌分土畫疆建爵五等或曰進德或曰酬功伏惟陛下應期創業樹建親戚聽使藩國自除長吏而今草創制度初立雖庸蜀順軌吳猶未賓宜俟清泰乃議復古之制

晉書文六王齊王攸傳詔議藩王令

自選國內長史攸奏議報不許

王昌前母服議

禮記生不及祖父母諸父昆弟而父稅喪已則否諸儒皆曰爲父

目他故子生異域不及此親存時歸見之父雖追服子不從稅不責非時之恩也但不相見尙不服其先終而況前母非親所生義不踰祖莫往莫來恩絕殊隔而令追服殆非稱情立文之謂也目

爲昌不宜追服

晉書禮志中

案王昌

事詳前竟陵王楙文

節省議

臣聞先王之教莫不先正其本務農重本國之大綱當今方隅清穆武夫釋甲廣分休假目就農業然守相不能勤心恤公目盡地利昔漢宣嘆曰與朕理天下者惟良二千石乎勤加賞罰黜陟幽明於時翕然用多名守計今地有餘羨而不農者眾加附業之人復有虛假通天下之謀則饑者必不少矣今宜嚴敕州郡檢諸虛詐害農之事督實南畝上下同奉所務則天下之穀可復古政豈患於暫一水旱使憂饑餒哉考績黜陟畢使嚴明畏威懷惠莫不自厲又都邑之內游食滋多巧技末業服飾奢麗富人兼羨猶有

魏之遺弊染化日淺靡財害穀勤復萬計宜申明舊法必禁絕之
使去奢節儉不奪農時畢力稼穡曰實倉廩則榮辱禮節由之而
生興化反本於茲爲盛

晉書齊王攸傳詔曰比年饑饉議所節省攸奏議云云

與山濤書

太子中庶子東宮顯職加侍接左右誠宜得篤粹有行檢之人想

悉尊意必允眾望也

藝文類聚四十九御覽二百四十五

洗馬今之清選前後選文書才義也

書鈔六十六

武長嗣篤敏有器思今東宮洗馬缺

同上

太子舍人夏后湛秉心居正理識明微應可郎也

書鈔一百六十一

舍人今之清選也

書鈔六十六

書

攸惶恐頓首頓首望近未得諮承已爲委積比已秋風不審尊體

何如冀行得稟受頓首頓首

潘化閣帖三

太子箴

伊昔上皇建國立君仰觀天文俯察地理創業恢道曰安人承祀
祚延統重故援立太子尊曰弘道固曰貳己儲德既立邦有所恃
夫親仁者功成邇佞者國傾故保相之材必擇賢明昔在周成旦
奭作傅外曰明德自輔內曰親親立固德曰義濟親則自然羸廢
公族其崩如山劉建子弟漢祚永傳楚曰無極作亂宋曰伊戾興
難張禹佞給卒危強漢輔弼不忠禍及乃躬匪徒乃躬乃喪乃邦
無曰父子不問昔有江充無曰至親匪貳或容潘崇諛言亂真譖
潤離親驪姬之讒晉侯疑申固親曰道勿固曰恩脩身曰敬勿託
曰尊自損者有餘自益者彌昏庶事不可曰不恤大本不可曰不
敦見亡戒危觀安思存冢子司義敢告在聞

晉書齊王攸傳又
藝文類聚四十八

齊王罔

罔字景治攸子太康四年襲封齊王元康中拜散騎常侍領左

軍將軍翊軍校尉永康視轉游擊將軍出爲平東將軍假節鎮許昌趙王倫篡位首舉義兵與成都河間常山新野四王迎惠帝反正拜大司馬加九錫輔政長沙王乂等發兵攻之戰敗斬於閭闔門外永嘉中追諡曰武閔王

上表理淮南王允

故淮南王允忠孝篤誠憂國忘身討亂奮發幾於剋捷遭天凶運奄至隕歿逆黨遺惡并害三子冤魂酷毒莫不悲酸泊興義兵淮南國人自相率領眾過萬人懷忼愾愍國統滅絕發言流涕臣輒引息超繼允後引慰存亡

晉書武十三王淮南王允傳

表立清河王覃爲皇太子

東宮曠然冢嗣莫繼天下大業帝王神器必建儲副目固洪基今者後宮未有孕育不可庶幸將來而虛天緒非祖宗之遺志社稷之長計也禮兄弟之子猶子故漢成無嗣繼由定陶孝和之絕安

呂紹興此先王之令典往代之成式也清河王覃神姿岐嶷慧智早成康王正妃周氏所生先帝眾孫之中於今爲嫡昔薄姬賢明文則承位覃外祖恢世載名德覃宜奉宗廟之重統無窮之祚呂寧四海顒顒之望覃兄弟雖並出紹可簡令淑還呂國胤不替其嗣輒諮大將軍穎及羣公卿士咸同大願請具禮儀擇日迎拜

武十三王傳

河王遐傳

奏理張華裴頠解系等

臣聞興微繼絕聖主之高政貶惡嘉善春秋之美談是呂武王封比干之墓表商容之閭誠幽明之故有呂相通也孫秀逆亂滅佐命之國誅骨鯁之臣呂斲喪王室肆其虐戾功臣之後多見泯滅至如張華裴頠各曰見憚取誅於時解系解結同呂羔羊並被其害歐陽建等無罪而死百姓憐之今陛下更日月之光照布惟新之明命然此等諸族未蒙恩理昔欒郤降在阜隸而春秋傳其違

幽上絕功臣之後，棄賢者子孫，而詩人已爲刺。臣備忝右職，思竭股肱，獻納愚誠，若合聖意，可令羣官通議。

晉書張華傳又見解系傳

奏劾王豹

臣忿奸凶肆逆，皇祚顛墜，與成都長沙新野共興義兵，安復社稷，唯欲戮力皇家，與親親宗室，腹心從事。此臣夙夜自誓，無負神明。而主簿王豹，比有白事，敢造異端，謂臣忝備宰相，必避危害，慮在一旦不祥之聲，可躋足而待。欲臣與成都分陝爲伯，盡出蕃王，上誣聖朝鑒御之威，下長妖惑，疑阻眾心，嚙啗肯憎，巧賣兩端，誣上誦下，讒內間外，遊惡導奸，坐生猜嫌。昔孔丘匡魯，乃誅少正，子產相鄭，先戮鄧析，誠曰交亂名實。若趙高詭怪之類也。豹爲臣不忠，不順不義，輒救都街考竟，曰明邪正。

晉書忠義王豹傳

荅鄭方

孤不能致五闕，若無子，則不聞其過矣。

晉書齊王閼傳附

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷十七

烏程嚴可均校輯

西陽王業

業字延年，攸第三子。太康末，封西陽縣公，拜散騎常侍。元康初，進爵爲王，歷步兵校尉、左軍、驍騎將軍。永康初，進封郡王。永興初，拜侍中，坐長沙王乂廢爲庶人，尋爲撫軍將軍。永嘉初，拜鎮軍將軍，加散騎常侍，領後軍將軍，尋渡江。元帝承制，更拜撫軍大將軍，開府及卽晉王位，進侍中、太保。大興初，錄尚書事，領大宗師。永昌初，進太宰，後領太尉。咸和初，免官，降爲弋陽縣王。蘇峻矯詔復爵位，峻平，賜死。

上書

朱旗南指，自相夷戮。

文選王逵與陳伯之書注引虞預晉書

議溫矯不應辭職

太宰西陽王羨司徒臨潁公組驃騎將軍卽丘子導侍中紀瞻尙書周顗散騎常侍荀邃等議曰昔伍員挾弓去楚爲吳行人曰謀楚誠志在報讎不苟滅身也溫嶠遭難昔在河朔日尋干戈志刷讎惡萬里投身歸赴朝廷將欲因時竭力憑賴王威日展其情此乃矯之志也無緣道路未通師旅未進而更中辭王事畱志家巷也曰爲誠宜如明詔

晉書禮志中案溫嶠傳有三公八坐議與此意同而文全異今已彼篇入闕名類

楚王瑋

瑋字彥度武帝第五子初封始平王歷屯騎校尉太康末徙封楚王出爲平南將軍都督荊州諸軍事轉鎮南將軍惠帝卽位徵爲衛將軍領北軍中候加侍中行太子少傅爲賈后所忌使殺汝南王亮衛瑾坐矯詔斬永寧元年追贈驃騎將軍諡曰隱王

矯詔免太宰汝南王亮太保衛瑾

二公潛謀欲危社稷今免還第官屬以下一無所問若不奉詔便軍法從事能率所領先出降者封侯受賞朕不食言

晉書楚王瑋傳

手令告諸軍
天禍晉室凶亂相仍間者楊駿之難實賴諸君剋平禍亂而二公潛圖不軌欲廢陛下已絕武帝之祀今輒奉詔免二公官吾今受詔都督中外諸軍諸在直衛者皆嚴加警備其在外營便相率領徑詣行府助順討逆天所福也懸賞開封日待忠效皇天后土實

聞此言

晉書楚王瑋傳

出令斬汝南王亮

能斬亮者賞布千匹

晉書汝南王亮傳

長沙王乂

乂字士度武帝第六子

案世說言語篇注引八王故事作第十七子

太康十年封長

沙王拜員外散騎常侍元康初坐楚王瑋罪貶爲常山王趙王

倫篡位，曰匡復功，拜撫軍大將軍，領左軍將軍，遷驃騎將軍，開府，復封長沙王，拜大都督，東海王越廢之，收送金甌城，尋爲成都王穎所殺，諡曰厲王。

被收時上表

陛下篤睦，委臣朝事，臣小心忠孝，神祇所鑒，諸王承謨，率眾見責，朝臣無正，各慮私圖，收臣別省，送臣幽宮，臣不惜軀命，但念大晉衰微，枝黨欲盡，陛下孤危，若臣死國，寧亦家之利，但恐快囚人之志，無益於陛下耳。

晉書長沙王又傳

致成都王穎書

先帝應乾撫運，統攝四海，勤身苦己，克成帝業，六合清泰，慶流子孫，孫秀作逆，反易天常，卿興義眾，還復帝位，齊王恃功肆行非法，上無宰相之心，下無忠臣之行，遂其讒惡，離逃骨肉，主上怨傷，尋已蕩除，吾之與卿，友于十人，同產皇室，受封外都，各不能鬪，敷王

教經濟遠略。今卿復與太尉共起大眾。阻兵百萬。重圍宮城。羣臣同忿。卿卽命將。示宣國威。未擬摧殄。自投溝澗。蕩平山谷。死者日萬。酷痛無罪。豈國恩之不慈。則用刑之有常。卿所遭陸機不樂受卿節鉞。將其所領私通國家。想來逆者。當前行一尺。卻行一丈。卿宜還鎮。呂監四海。令宗族無羞子孫之福也。如其不然。念骨肉分裂之痛。故復遣書。

晉書長沙王又傳

成都王穎

穎字章度。武帝第十六子。

案世說言諸篇注引八王故。事作字叔度。世祖第十九子。大康末。

封成都王。後拜越騎校尉。加散騎常侍。爲賈謐所忌。出爲平北將軍。鎮鄴。轉鎮北大將軍。趙王倫篡位。目爲征北大將軍。開府。儀同三司。尋舉義兵。呂匡復功。進位大將軍。都督中外諸軍事。錄尚書事。加太子太傅。及齊王冏誅懸。執朝政。尋與河間王顒舉兵內逼。拜丞相。又廢太子。拜皇太弟。永興初。敗王師於蕩陰。

尋爲河間王暉所廢復拜鎮軍大將軍都督河北諸軍事范陽王虓幽之縊死

復長沙王又書

文景受圖武王乘運庶幾堯舜共康政道恩隆洪業本枝百世豈期骨肉豫禍后族專權楊賈縱毒齊趙內篡幸已誅夷而未靜息每憂王室心悸肝爛羊玄之皇甫商等恃寵作禍能不興慨於是征西羽檄四海雲應本謂仁兄同其所懷便當內擒商等收級遠送如何迷惑自爲戎首上矯君詔下離愛弟推移輦轂妄動兵威還任豺狼棄戮親善行惡求福如何自勉前遣陸機董督節鉞雖黃橋之退而溫南收勝一彼一此未足增慶也今武士百萬良將銳猛要當與兄整頓海內若能從太尉之命斬商等首投戈退讓自求多福穎亦自歸鄴都與兄同之奉覽來告緬然慷慨慎哉大兄深思進退也

晉書長沙王又書

吳王晏

晏字平度武帝子太康十年封吳王歷射聲校尉後軍將軍趙王倫貶爲賓徒縣王徙封代王倫誅復本封拜上軍大將軍開府加侍中永嘉中爲太尉大將軍洛陽陷遇害後二年第三子鄴節愍帝入承大統追贈太保諡曰孝王一日敬王

荅郎中令陸雲令五首

令吾曰頑弱過蒙殊寵夙夜祗懼忝思先恩承風誠曰自錯厲得爾委曲省曰慙然意既在儉約又欲奉遵法憲豈忘於心國自宜有宅城內求不可得官徒右軍來躒覆此屋恐或不可久得側近宮掖故於國作宅不作觀望使如凡家法足止而已耳平量畫圖當往相示動靜曰聞

陸雲集國起西園第表殿宜遵飾儉之制王令

令中間表作舍先畫圖呈啟間數又五本林構無他鏤飾示無乃越法奢靡古今無匹也間外啟作小樓北望河東公主園宅自不

爲觀故便聽之耳。今行者歎息，致朝野之譏邪？省奏具意，救毀之

陸雲集西園第既成，有司啟觀疏，諫不可至，令

令多喪故，乃初未與羣官會同，比當請師友文學內外官屬也。

陸雲

集王卽位，未見賓客，羣臣又未講，敗宜饗宴通客及引師友文學觀書問道，王令

令多病疾，難曰辭公事爲自力。風疾連動，故未能用。小差當如所

陳乞，每識忠至之誠，輒曰存心。

同上

令多不使，不數朝覲，幸恩詔見恕耳。五日當入朝也。

陸雲集興德，比出殿宜當

入朝

王令

廢太子通

遜，字熙祖，惠帝長子，封廣陵王。惠帝卽位，立爲皇太子。爲賈后

所忌，曰：「元康九年，廢爲庶人，幽於金墉城。明年，更幽於許昌。」賈

后矯詔殺之。越十日，賈后廢死，策諡曰愍懷。

遣王妃書

鄒雖頑惡心念爲善欲盡忠孝之節無有惡逆之心雖非中宮所生奉事有如親母自爲太子已來敕見禁檢不得見母自宜城君亡不見存恤恆在空室中坐去年十二月道文疾病困篤父子之情實相憐愍於時表國家乞加徽號不見聽許疾病既篤爲之求請恩福無有惡心自道文病中宮三遣左右來視云天敎呼汝到二十八日暮有短函來題言東宮發疏云言天敎欲見汝即便作表求入二十九日早入見國家須臾遣至中宮中宮左右陳舞見語中宮且來吐不快使住空屋中坐須臾中宮遣陳舞見語問汝表陛下爲道文乞王不得王是成國耳中宮遙呼陳舞昨天敎與太子酒棗便持三升酒大盤棗來見與使飲酒噉棗盡鄒素不飲酒旣便遣舞啟說不堪三升之意中宮遙呼曰汝常陛下前持酒可喜何已不飲天與汝酒常使道文差也便答中宮陛下會同一日見賜故不敢辭通日不飲三升酒也且實未食恐不堪又未見

殿下飲此或至顛倒陳舞復傳語曰不孝那天與汝酒飲不肯飲
中有惡物耶遂可飲二升餘有一升求持還東宮飲盡逼迫不得
已更飲一升飲已體中荒迷不復自覺須臾有一小婢持封箱來
云詔使寫此文書鄙便驚起視之有一白紙一青紙催促云陛下
停待又小婢承福持筆硯墨黃紙來使寫急疾不容復視實不覺
紙上語輕重父母至親實不相疑事理如此實爲見誣想眾人見
明也晉書惠懷太子傳

武陵王遵

遵字茂遠元帝孫太元六年嗣父晞位爲新寧王十二年復封
本國爲武陵王歷散騎常侍祕書監太常中領軍桓玄用事拜
金紫光祿大夫玄篡位貶爲彭澤侯義兵起總統萬機加侍中
大將軍承制安帝反正拜太保義熙四年薨諡曰忠敬王
司馬休之爲荊州刺史令

前龍驤將軍休之才幹貞審功業既成歷陽之戰事在機捷及至
勢垂力屈奉身出奔猶鳩集義徒崎嶇險阻既應親賢之舉宜委
分陝之重可監荆益梁寧秦雍六州軍事領護南蠻校尉荊州刺
史假節

晉書宗室
謚王傳

追贈會稽王道子爲丞相元顯爲太尉令

故太傅公阿衡二世契闊皇家親賢之重地無與二驃騎大將軍
內總朝維外宣威略志蕩世難曰寧國祚天未靜亂禍酷備鍾悲
動區宇痛貫人鬼感惟永往心情崩隕今皇祚反正幽顯式敘宜
崇明國體曰述舊典便可追崇太傅爲丞相加殊禮一依安平獻
王故事追贈驃騎爲太尉加羽葆鼓吹丞相墳塋翳然飄薄非所
須南道清通便奉迎神樞太尉宜便遷改可下太史詳吉日定宅
兆

晉書簡文三王
會稽王道子傳

曰梁王珍之爲通直散騎郎令

梁王珍之理悟貞立蒙險遘難撫義懷順載奔闕庭值壽陽擾亂

在危克固且可通直散騎郎

晉書元四王
梁王璉傳

下毛璩令

益州刺史毛璩忠誠愨亮自桓玄萌禍常思躡其後今若平殄兇
逆肅清荆郢者便當卽授上流之任

晉書毛
璩傳

會稽王道子

道子字道子簡文帝第五子與孝武同母簡文臨崩封爲琅邪
王太元初拜散騎常侍中軍將軍進驃騎將軍領司徒尋領徐
州刺史太子太傅復領揚州刺史封會稽王安帝卽位進太傅
揚州牧解徐州後復解揚州司徒元興元年爲桓玄所害玄敗
追贈丞相諡曰文孝王

世說言說篇
注作孝文王

有集八卷

命謁陵

今雖權制釋服至於朔望諸節自應展情陵所禮志已一周爲斷

二奉武肅驛騎將
軍司馬道子命

請徵戴遠疏

遠執操貞厲含味獨游年在耆老清風彌劭東宮虛德式延事外
宜加旌命已參僚侍遠既重幽居之操必已難違爲美宜下所在
備禮發遣晉書隱逸戴遠傳太元二十年皇太子始出東宮
太子太傅會稽王道子少傅王雅詹事王珣上疏

請崇正文李太妃名號啟太元十九年

母已子貴慶厚禮崇伏惟皇太妃純德光大休祐攸鍾啟嘉祚於
聖明嗣徽音於上列雖幽顯同謀而稱謂未盡非所已仰述聖心
允荅天人宜崇正名號詳案舊典晉書孝武文
李太后傳

皇太子納妃啟太元二十一年

皇太子係體宸極年德並茂宜簡國媛緝宣內教故中書令太常
王獻之新安公主息女六行聿修四德允備加之世載簡正慶深
積善俞日宜作配儲宮正位中饋御覽一百四十
九引東宮舊事

與王彪之書

東海王來月欲迎妃而女身有大功服此於常禮當是有疑但先拜時大禮已交且拜時本意亦欲通如此之闊耳不得同之初婚固當在於可通通典五十九

荅范尚書

既有所準情理可通故人主權而行之自君作故古之制也古人墨經從事豈情所安逼於君命之所制奪於人臣之所屈乃至於斯召今方之事情輕重豈得同日而欲執違耶又今自拜時未爲備禮暫一致身交拜而已卽之於情有何不可且今王氏情事與國家正同王命既定事在必行通典六十五王濛息叔仁兄十月亡至仁召喪辭范尚書與會稽王駿爲申其意會稽王荅

與人書

異暑復何如向見厥云卿小苦瘥不乃召爲患治之不遺不悉司

馬道子白

卷一

賜進士出身一品銜廣東等處提刑按察使司按察使兼管驛傳事務黃岡王毓藻校刊

全晉文卷十七終